

古田縣志卷之三十五

流寓傳

公羊傳及戴禮所謂寓公蓋謂諸侯失國寓於他國者後世凡遷客騷人寄寓異鄉者皆得稱爲寓公是寓公之身世必有國破家亡憂纒畏譏之感而在其所至之山川風俗轉因其道德文章爲之增輝而進化者古田斗大山城本不足供名公鉅卿儼居然自宋儒李愿中朱仲晦黃直卿避地至止戶誦家絃教澤至今猶未泯也僞學之禁適以爲吾古人士向學之資迨後賢士大夫至者踵接亦皆足爲此邦之人他山之助白駒之詠矣纂流寓傳

宋

古田縣志

卷之三十五

流寓傳

一

李侗字愿中南平人子友直登紹興丁丑進士授鉛山令與朱晦菴先生爲友時禁僞學遷寓一都小巒孫隨家焉

朱熹字仲晦新安人慶元間韓侂胄禁僞學逆寓古田宗室諸進士與其門人構書院延而講學所寄寓附縣治者扁其亭曰溪山第一往來於三十九都徐廖二大姓嘗書大學戶庭中庸闕奧文章華國詩禮傳家螺峯浣溪杉洋諸所皆其遊息而訓誨也文公嘗曰東有余李西有王魏蓋自紀其樂育云黃幹字直卿閩縣人亦以僞學之禁寓九都族人家與朱晦菴先生講道論德悠然也文公書其讀書處曰螺峯書院

明

徐燧字惟和閩縣人嘗偕其弟勗僑寓古田與布衣林春秀友善賦詩贈之名山古剝所至皆有題詠迄今墨跡猶存

陳介閩閩縣人初爲南安教諭後調古田遂家焉子德星文名籍甚與林確菴先生望衡對宇講論經史過從甚密後卽古田籍第進士爲潛江令

黃周星字九烟江甯人丙戌後避地古田主鄭工部家凡高人韻士之與鄭善者詩酒皆得歡洽獨變姓名曰田吉生鄭亦目笑存之忽一日語鄭曰三日當有迹吾到此者吾其別汝乎賦長歌一章鄭倚聲而和遍視諸友隨焚其稿尋遁去

董養河字叔會閩縣人鼎革後偕其子謙吉僑寓古田工部主政

古田縣志

卷之三十五

流寓傳

二

鄭之特家之特延爲子姪經師每酒酣劇論談及先朝附璫誤國諸臣輒爲髮指

清

曾祖訓字惟九侯官人尙氣節不樂仕進日共山僧往來於千巖萬壑間後與其族人曾茂榕詩酒相歡遂寓居古田之奇龍村顧影獨酌慷慨悲歌邑人施松齡師事之

方瑾字瑜友侯官人寓居黃田落拓不羈結屋江干顏所居曰聽泉樓日以吟咏自娛晚歲浮楂海外日本高僧遺以千金行至天台隨手散給而囊已空矣歸指架上萬卷書謂其孫曰守此便是我最富家業也子兆蕙諸生工詞賦先瑾卒其女亦能詩

米仙康熙間閩藩耿精忠有參謀某性機警精星卜且工書法耿敗後埋沒姓名自號米仙避至邑東杉洋余入晟家獨居一樓人罕見面然有向其求書者以紙置吊桶中乞之無不立應其筆勢絕似米芾著有水心亭記萬年湖記上元燈集序及八角樓楹聯居數年縣令某知其爲耿黨也將欲補之某卽謂晟曰數日後當有縣役來跡予於此予其別汝行矣

魏敬中字和齋甯德人田翰林假歸至邑之羅華會謁族人搢紳之家聞其行方學博也爭欲結納中以徐午亭先生與其講論書法尤爲心得